



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Concilia Galliae Narbonensis**

**Baluze, Etienne**

**Parisiis, 1668**

Monspeliense. 1224.

**urn:nbn:de:hbz:466:1-14646**



riæ , postquam Comes intraverat , totam  
viam per quam ipsum redire putabant ob-  
servantes , expectabant reditum ejus , ut  
eum occiderent , si possent. Sed pius Do-  
minus aliter & longè meliùs ordinabat. In-  
notuit ergo Comiti nostro quod fiebat ; &  
per aliam viam quàm intraverat exiens , ab  
insidiis declinavit. His omnibus rite ge-  
stis , & celebrato per multos dies Conci-  
lio , Prælati qui aderant ad propria re-  
dierunt.

*Vide auctorem libri cui titulus est Præclara  
Francorum facinora , qui editus est à viro  
clariss. Gulielmo Catello Senatore Tolosano.*

---

C O N C I L I U M M O N S P E L I E N S E  
*Habitu anno, MCCXXIV.*

*Ex Gestis Ludovici VIII. Francorum Regis,  
ad annum MCCXXIV.*

**I**N FRA octabas Assumptionis beate  
Mariæ apud Montempessulanum aucto-  
ritate apostolica Concilium celebratur.  
Nam Honorius Papa Narbonensi Archie-  
piscopo dederat in mandatis quòd ibi mo-  
dum pacis quam Raymundus Comes To-  
losanus & alij Albigenes sanctæ matri Ec-  
clesiæ offerebant , audiret , & quod inde



faceret remandaret. Qui convocatis totius provinciae Episcopis & Abbatibus ac Clericis universis, à Comite Tolosano aliisque Baronibus juramenta recepit quòd terram securam & obedientiam Romanæ Ecclesiæ redderent, & Clericis redditus suos in integrum restaurarent, eisque pro damnis quindecim millia marcharum infra tres annos persolverent, & de hæreticis confessis vel convictis justitiam facerent indilatam, ac pro posse suo per universam provinciam pravitatem hæreticam extirparent.

*IVRAMENTA RAYMUNDI  
Comitis Tolosani & aliorum Baronum, data  
in Concilio habito apud Montempessulanum  
anno MCCXXIV.*

**I**N nomine Domini nostri Iesu Christi. Anno incarnationis ejusdem MCCXXIII. VIII. Kalend. Septembris. Nos Raymundus Dei gratia Dux Narbonæ, Comes Tholose, Marchio Provinciae, cum sacrosancta Romana Ecclesia pacem summo desiderio facere desiderantes, ad honorem Dei & ejusdem Ro. Ecclesiæ & sanctissimi in Christo Patris nostri Honorij Summi Pontificis, pio corde & vera devotione per nos & per omnes homines ac valitores nostros offerimus vobis Domino A.



Narbonensi Archiepiscopo, & per vos sanctæ Romanæ Ecclesiæ & Domino Papæ, omnia illa quæ in alio colloquio vobis & per vos sanctæ Romanæ Ecclesiæ obtulimus. Videlicet quòd fidem catholicam, sicut eam sancta Romana prædicat & docet Ecclesia, servabimus, & per terram nostram servari pariter & fideliter faciemus. Terram insuper nostram hereticis fideliter purgabimus ad cognitionem Ecclesiæ; videlicet bona eorum publicando, eosdemque corporaliter puniendo. Item pacem plenam & integram in tota terra nostra servabimus, & servari plenissimè faciemus, Ruptarios de nostris finibus expellendo. Ecclesiis etiam & viris ecclesiasticis restituemus plenariè omnia jura sua. Libertates quoque Ecclesiarum & aliorum locorum religiosorum servabimus, & servari plenissimè faciemus in posterum & in perpetuum. Præterea pro damnis & injuriis Ecclesiis ac viris ecclesiasticis irrogatis, & ut ob reverentiam & honorem Romanæ Ecclesiæ & Domini Papæ provideri valeat honori Comitum Montisfortis, dabimus Ecclesiæ xx. milia marcharum argenti terminis competentibus solvendarum: ita tamen si petitioni quam Comes Montisfortis in terra nostra & valitorum nostrorum facit, Dominus Papa nobis absolvi, & in-



strumenta quæ ab ipso Domino Papa, vel  
 à Domino Rege Francorum, vel patre  
 ejus, idem Comes Montisfortis vel pater  
 ejus super eo dicitur impetrasse, Summus  
 Pontifex faciat nobis reddi. Verùm quia  
 nec in primo nec in secundo colloquio ali-  
 quis præsens fuit pro Comite Montisfortis,  
 cum quo super compositione, quam san-  
 ctissimus Pater noster Honorius mandave-  
 rat fieri, tractare potuimus, ad præsens  
 plenè non possumus respondere. Verunta-  
 men nos in præsentì sollemnes nuntios ad  
 Dominum Papam dirigimus; cum quibus  
 tam super compositione prædicta, quam  
 super omnibus aliis ad reconciliationem  
 nostram pertinentibus, plenè poterit tra-  
 ctari, & omnia ad finem debitum divina  
 gratia mediante perducì. Concedentes &  
 promittentes nos in perpetuum ratum ha-  
 bituros & firmiter servaturos quicquid  
 cum illis nuntiis super facto nostro de man-  
 dato & voluntate Domini Papæ fuerit or-  
 dinatum aut factum. Et cum nos creda-  
 mus pro majori parte restitutionem fecisse  
 Ecclesiis ac viris ecclesiasticis, secundùm  
 quod in alio colloquio promisimus; tamen  
 specialiter nunc promittimus quòd ea om-  
 nia quæ restant ad restituendum Ecclesiis  
 ac viris ecclesiasticis plenissimè restituemus  
 ad cognitionem Domini Papæ, vel Domi-



ni A. Narbonensis Archiepiscopi, vel cuiuslibet Episcopi in diocesi sua. Et de fidei-  
 tis Tolosæ restituendis cum honoribus suis  
 faciemus quicquid Dominus Papa noverit  
 faciendum. Ad ultimum, si ea quæ obtuli-  
 mus Domino Papæ sufficientia non viden-  
 tur; cùm servire sanctæ Ecclesiæ regnare  
 sit, nos in omnibus & per omnia misericor-  
 diæ & mandatis Domini Papæ pro posse  
 nostro obediemus humiliter ac devotè.  
 Salva dominatione serenissimi Domini no-  
 stri Regis Franciæ, & Domini Imperato-  
 ris. Quòd autem omnia prædicta attenda-  
 mus & compleamus bona fide, plenè &  
 sufficienter cavebimus per securitates ido-  
 neas ad cognitionem Domini Papæ.

Et nos Rogerius Bernardi Dei gratia  
 Comes Fuxensis, & Trencavellus eadem  
 gratia Vicecomes Biterrensis, idem & eo-  
 dem modo promittimus nos in tota terra  
 nostra facturos, & in perpetuum servatu-  
 ros, sicut superius Dominus noster Co-  
 mes Tolosæ promisit pro se & pro nobis &  
 aliis valitoribus suis se in perpetuum serva-  
 turum. Datum apud Montempessulanum  
 die & anno quibus supra.



\* \*

\*



*LITTERÆ AMALRICI  
Domini Montisfortis ad Episcopos qui  
conventuri erant ad Concilium Monspe-  
liense, quibus eos obsecrat obtestaturque ne  
pacem faciant cum Raymundo Comite To-  
losano.*

**R**EVERENDIS in Christo patribus  
& dominis suis karissimis, Narbonen-  
si, Arelatensi, & Auxitanensi Dei gratia  
Archiepiscopis, & universis Episcopis, &  
aliis Ecclesiarum Prælati ad Concilium  
de Montepessulano congregandis, Amal-  
ricus divina providentia Dux Narbonæ,  
Comes Tholosæ, & Dominus Montisfor-  
tis, salutem, & cum omni reverentia & de-  
votione se ipsum. Cùm vos zelo fidei ani-  
mati, Iesu Christi negotium inceperitis, &  
manutenueritis sicut veri fidei zelatores;  
nunc necesse est quòd vos, cùm tempus  
messionis propè sit, & jam fruges albescunt  
ad messem, expectetis modicum, & cur-  
sum perseveranter agatis; ut bravium cum  
gloria consequi possitis optatum, propter  
quem tam fideliter laborastis; cùm frustra  
mittatur manus ad aratrum, si mittens re-  
pexerit donec consummaverit quod ince-  
pit. Eia igitur, Patres sanctissimi, attendi-  
te, & videte quàm mirabilis sit Deus in ope-



ribus suis, & quàm sint mirabilia facta sua; quia licèt videatur suum negotium totaliter dimisisse, modò deliberat & disponit ut ipsum negotium resuscitet cum gloria & triumpho; cùm ipse, sicut credimus, cor Domini Regis Franciæ animaverit ad subveniendum suo negotio, immo, ut loquamur veriùs, ad consummationem ipsius. Ideoque paternitatem vestram exoramus humiliter & devotè, obsecrantes vos & adjuvantes per asperionem sanguinis Iesu Christi, cujus res agitur, quatinus nullam compositionem sive pacem, quæ præjudicet juri nostro, cum Raymundo filio Raymundi quondam Comitis Tholosæ faciatis, nec fieri permittatis; maximè cùm illud in totius Cleri & populi & universalis Ecclesiæ scandalum & ignominiam perpetuam redundaret.

---

C O N C I L I V M B I T E R R E N S E  
*Habitu anno MCCLV.*

**I**N nomine Domini. Anno Nativitatis Christi millesimo ducentesimo quinquagesimo quinto, VIII. Idus Maij, Ludoyco Rege regnante. Noverint universi quòd cùm Petrus de Antolio Senescallus Carcassonensis & Biterrensis ex parte  
 Domini